



Broj: 02-05-20444-3.2/12  
Sarajevo, 18.06.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **75.** sjednici održanoj **18.06.2012.** godine, donijela je sljedeći

## ZAKLJUČAK

1. Utvrđuje se Prijedlog odluke o davanju saglasnosti na Odluku o zaduženju kod UniCredit bank d.d. Mostar za kredite u iznosu od 8.000.000,00 KM.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

**P R E M I J E R**

**Fikret Musić**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo finansija
5. Evidencija
6. A r h i v a



Bosna i Hercegovina  
Federacija Bosne i Hercegovine  
**KANTON SARAJEVO**  
Vlada



Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

Broj: 02-05-20444-3.1/12  
Sarajevo, 18.06.2012. godine

Na osnovu čl. 21. st. (4) i (5) i 23. Zakona o dugu, zaduživanju i garancijama u Federaciji BiH („Službene novine FBiH“, br. 86/07, 24/09 i 44/10), i čl. 22. i 24. stav (2) Zakona o Vladi Kantona Sarajevo („Službene novine Kantona Sarajevo“, broj 24/03- Prečišćen tekst), Vlada Kantona Sarajevo, na 75. sjednici održanoj **18.06.2012.** godine, donijela je

**ODLUKU**  
**o zaduženju kod UniCredit bank d.d. Mostar**  
**za kredit u iznosu od 8.000.000,00 KM**

**I**

Kanton Sarajevo (u daljem tekstu: Kanton) zadužuje se kod UniCredit bank d.d. Mostar (u daljem tekstu: Banka) za kredit u iznosu od 8.000.000,00 KM.

**II**

Kreditna sredstva iz tačke I. ove odluke namijenjena su za finansiranje kapitalnih projekata, a prema članu 5. Budžeta Kantona Sarajevo za 2012. godinu.

**III**

Kreditna sredstva Banka odobrava pod slijedećim uslovima:

- iznos kredita.....8.000.000,00 KM
- rok otplate.....7 godina
- grace period..... 3 godine (uključen u rok otplate)
- kamatna stopa.....6,27 % na godišnjem nivou
- provizija Banke.....8.000,00 KM jednokratno, unaprijed

**IV**

Ugovor o kreditu između Kantona i Banke, kao i instrumente osiguranja kredita koji proizilaze iz ugovora potpisat će Premijer Kantona Sarajevo.

**V**

Kanton će izdati bjanko ovjerene i potpisane mjenice sa ovlaštenjem za popunu kao instrument obezbjeđenja kredita, a u skladu sa ugovorima iz tačke IV. ove odluke.

**VI**

Tehnički dio projekata koji će se finansirati iz ovih kredita realizovat će resorna ministarstva Kantona čiji će se projekti finansirati iz kredita.

**VII**

Za implementaciju projekata i praćenje realizacije ove odluke zadužuju se resorna ministarstva i Ministarstvo finansija, svako u okviru svoje nadležnosti, sa obavezom polugodišnjeg izvještavanja Vlade i Skupštine Kantona o realizaciji kredita.

## VIII

Ova odluka stupa na snagu nakon davanja saglasnosti od strane Skupštine Kantona Sarajevo, a objavit će se u „Službenim novinama Kantona Sarajevo“.



Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo finansija
5. Ministarstvo za boračka pitanja
6. Ministarstvo saobraćaja
7. Ministarstvo prostornog uređenja i zaštite okoliša
8. Ministarstvo privrede
9. Ministarstvo stambene politike
10. Za objavu u „Službenim novinama Kantona Sarajevo“
11. Evidenciji
12. Arhivi



web: <http://vlada.ks.gov.ba>  
e-mail: [premijer@ks.gov.ba](mailto:premijer@ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
**SKUPŠTINA KANTONA SARAJEVO**

## **ODLUKA**

**o davanju saglasnosti na Odluku o zaduženju kod UniCredit bank d.d. Mostar za kredit u iznosu od 8.000.000,00 KM**

**Sarajevo, juni 2012. godine**

Na osnovu čl. 18. tačka b) i čl. 38 stav (1) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 04/01, 28/04, i 31/04), čl. 46. Zakona o budžetima u FBiH („Službene novine FBiH“, br. 19/06, 76/08, 5/09, 32/09, 9/10, 36/10 i 45/10), čl. 21. st. (3) Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 8/07, 24/09 i 44/10) i Poglavlja II Procedura zaduživanja Kantona Sarajevo na osnovu vanjskog i unutrašnje duga i izdavanja garancija („Službene novine Kantona Sarajevo“, broj 10/11) Skupština Kantona Sarajevo, na \_\_\_sjednici održanoj \_\_\_\_\_ 2012. godine, donijela je

## **O D L U K U**

**o davanju saglasnosti na Odluku o zaduženju kod UniCredit bank d.d. Mostar za kredit u iznosu od 8.000.000,00 KM**

### **I**

Daje se saglasnost na Odluku o zaduženju kod UniCredit bank d.d. Mostar za kredit u iznosu od 8.000.000,00 KM broj: 02-05-20444-3.1/12 od 18.06.2012. godine, koju je donijela Vlada Kantona Sarajevo.

### **II**

Ova odluka stupa na snagu narednog dana od dana objave u „Službenim novinama Kantona Sarajevo“.

Broj: 01-05- /12  
Sarajevo, 2012.godine

**Predsjedavajuća  
Skupštine Kantona Sarajevo  
Prof. dr. Mirjana Malić**

## O b r a z l o ž e n j e

### Pravni osnov

Pravni osnov za donošenje ove odluke sadržan je u članu 18. tačka b) Ustava Kantona Sarajevo kojim je utvrđeno da Skupština Kantona donosi zakone i druge propise u okviru izvršavanja nadležnosti Kantona i čl. 38. stav (1) Ustava Kantona Sarajevo kojim je Skupštini Kantona dato u nadležnost da se finansiranje funkcija Kantona, između ostalog, može vršiti na osnovu zaduživanja kod banaka i drugih finansijskih organizacija, kao i članu 46. Zakona o budžetima u Federaciji BiH kojim je utvrđeno da se kanton može zaduživati ukoliko Skupština Kantona odobri zaduženje, odnosno izda garanciju. Članom 21. stav (3) Zakona o dugu, zaduživanju i garancijama u FBiH utvrđeno je da Skupština Kantona odobrava unutrašnje zaduženje za kapitalnu investiciju. U Poglavlju II Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija, kojim je utvrđeno da Vlada donosi odluku o unutrašnjem zaduživanju, i dostavlja je Skupštini Kantona na davanje saglasnosti.

### Razlozi za donošenje

Prijedlog Odluke o davanju saglasnosti na Odluku Vlade Kantona Sarajevo o unutrašnjem zaduženju kod UniCredit Bank d.d. Mostar, zasniva se na članu 1. Budžeta Kantona Sarajevo za 2012. godinu, kojim je utvrđeno da se dugoročnim kreditima kod domaćih banaka u iznosu od 26.000.000,00 KM obezbijedi finansiranje kapitalnih projekata od značaja za Kanton i člana 5. kojim su raspoređena kreditna sredstva na kapitalne projekte koji će se tim sredstvima finansirati.

Obzirom da se radi o velikom iznosu kreditnih sredstava, koje niti jedna banka samostalno ne može obezbijediti, Vlada Kantona donijela je Odluku broj: 02-05-7100-32/12 od 22.03. 2012. godine („Službene novine Kantona Sarajevo“, broj 11/12), da se provede otvoreni postupak javne nabavke usluga dugoročnog kreditnog zaduženja do 26.000.000,00 KM.

Nakon provedenog postupka javne nabavke, otvorenog za međunarodnu konkurenciju, izvršen je odabir najpovoljnijeg ponuđača, te Odlukom Ministarstva finansija broj: 08-01-14-13154/12 od 07.06.2012. godine, ugovor za kredit u iznosu od 8.000.000,00 KM (osam miliona konvertibilnih maraka), kao najuspješnijem ponuđaču, dodijeljen UniCredit bank d.d. Mostar.

U završnoj fazi je tenderska procedura javne nabavke za kredite u iznosu od 11.000.000,00 KM, kod UniCredit bank d.d. Mostar, kao i za odobravanje kredita u iznosu od 7.000.000,00 KM kod Razvojne banke FBiH.

Dugoročni kredit UniCredit bank d.d. Mostar odobren je pod sljedećim uslovima:

- Ukupan iznos kredita.... 8.000.000,00 KM
- rok otplate..... 7 godina,
- grace period..... 3 godine (uključen u rok otplate),
- kamatna stopa..... 6,27 % na godišnjem nivou,
- provizija Banke..... 8.000,00 KM jednokratno, unaprijed.

Kreditnim sredstvima UniCredit bank d.d. finansirat će se sljedeći projekti iz člana 5. Budžeta 2012. godine:



Za plaćanje glavnice, kamate i drugih troškova bit će obezbjeđena sredstva u Budžetu Kantona Sarajevo za svaku odgovarajuću godinu tokom otplate kredita.

U skladu sa Zakonom o dugu, zaduživanju i garancijama u FBiH i Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija, Vlada Kantona Sarajevo donijela je Odluku o zaduženju. Odluka Skupštine Kantona Sarajevo o davanju saglasnosti na Odluku o zaduženju, je uslov za potpisivanje ugovora o kreditu.

Ispred Kantona Sarajevo ugovore i mjenice (kao instrument obezbjeđenja redovne otplate kredita), potpisati će Premijer.

Za tehničku realizaciju projekata iz ovog kredita zadužuju se resorna ministarstva čiji će se projekti finansirati, a za implementaciju i realizaciju ove odluke zadužuju se resorna ministarstva i Ministarstvo finansija, svako u okviru svoje nadležnosti.

U vrijeme otplate ovih kredita, iznos za servisiranje duga za ukupan unutrašnji i vanjski dug Kantona Sarajevo, neće preći limit određen članom 7. Zakona o dugu, zaduživanju i davanju garancija u FBiH (u 2013. 8,19%, u 2014. 9,70%, u 2015. 9,91%, u 2016. 6,45%, u 2017. 6,74%, u 2018. 6,09% i u 2019.).